

**2021**  
AÑA DI RECUPERACION

2021

**ISLA(•)NLINE**

Diamars 2 February 2021

Email: [IslaOnline@gobierno.aw](mailto:IslaOnline@gobierno.aw) Tel: 528-4900

**2021**



AÑA DI RECUPERACION

**ISLA ONLINE**  
NOTICIA DI GOBIERNO



GOBIERNO DI ARUBA



## **Prome Minister Evelyn Wever-Croes: CORPORATE GOVERNANCE CODE TA UN PILAR DI INTEGRIDAD PA ENTIDADNAN DI GOBIERNO**

### ***E documento 'Nul Meting Corporate Governance' ta riba website di Prome Minister***

"Integridad pa Gabinete Wever-Croes ta un aspecto sumamente importante y ta para central den tur e meta y plannan di gobernacion", ta palabranan cu Prome Minister Evelyn Wever-Croes semper a enfatisa desde cu el a asumi liderasgo di nos pais.

E Ministerio di Integridad ta cay bou Minister President Evelyn Wever-Croes y ta basa riba tres pilar; Bureau Integriteit, Integriteitskamer, y Corporate Governance Code.

Gabinete Wever-Croes a institui Bureau Integriteit na 2018 y ta preparando pa asina por cuminsa cu e trabounan necesario riba e tereno di integridad. Pa loke ta trata e Integriteitskamer, e trabounan lo sigui e aña aki pa motibo cu tur cos a wordo para aña pasa door di e pandemia. Pa cu e tema di Corporate Governance Code, Gabinete Wever-Croes a bin ta hopi activo desde 2019.

E Corporate Governance Code ta e codigo/reglanan cu ta regula e gobernacion den entidadnan di Gobierno, pues con e control y supervicion mester tuma luga riba companianan estatal. Minister President Evelyn Wever-Croes a institui un comision cu ta encarga pa traha riba lo necesario pa tin un bon codigo pa loke ta trata nos companianan estatal.

Basa riba investigacionnan cu a ser haci di kico ta e posicion di corporate governance bou tur instancia semi-publico, e comision a prepara un "nul-meting" corporate governance. E comision aki a busca tur informacion necesario pa loke ta trata e leyman y reglanan y tambe e temanan di cumplimento door di e directornan y e miembronan di hunta di comisario di e companianan aki. Esakinan ta informacionnan clave pa yega na e normanan necesario cu nos companianan estatal y institutonan semi publico mester cumpli cu ne. Tambe a tene hopi entrevista cu esnan involvi den esaki y e resultadonan a

ser publica den un documento di "nul-meting" cu lo ser publica awor.

Na Aruba tin varios punto cu no ta wordo cumpli segun e reglanan di corporate governance. Pero tambe hopi compania a tuma riba nan mes pa practica e reglanan di corporate governance manera mester ta apesar cu den gobernacionnan anterior no tawata tin mucho enfoke riba e tema aki. Por a nota cu durante gobernacion anterior "corporate governance" no tawata existi ya cu e gobernantenan tawata haci y deshaci den e companianan estatal. Gobierno anterior tawata pone e companianan aki paga gastonan di viahe di gobierno.

Desde cu Gabinete Wever-Croes a sinta e reglanan pa cu corporate governance a bira un prioridad, asina dunando espacio na e companianan estatal pa carga nan mesun responsabilidad. Awor ta trahando pa mira unda y con por mehora e corporate governance code di companianan estatal.

E documento cu yama Nul Meting Corporate Governance, lo ser publica riba e website di Prome Minister: pmo.arubagov.org. Den cuadro di transparencia, tur esnan cu ta interesa pa lesa esaki por bay riba e website aki y hafia e documento. Importante pa notifica cu e "nul meting" no ta score mucho positivo riba tur punto pero pa Gabinete Wever-Croes ta importante pa cuminsa cu un base-line assessment pa asina mehora e corporate governance den e companianan estatal.





## Continuacion CORPORATE GOVERNANCE CODE TA UN PILAR DI INTEGRIDAD....



Government of Aruba

# Corporate Governance in Aruba

Onderzoek naar de naleving van de basisprincipes van corporate governance in entiteiten in de publieke- en semipublieke sector in Aruba

---

Oranjestad, december 2020





**Minister Xiomara Maduro ta informa:**  
***Door di demanda popular ta bai ripiti e programa tocante di e proyecto di SISSTEM di e Serie di Programa di television***  
**'ARUBA FUERTE Y RESILIENTE - REACTIVANDO NOS ECONOMIA'**

Minister Xiomara Maduro ta informa cu door di e tantisimo reaccion positivo riba e programa di proyecto SISSTEM, lo bay ripiti e programa aki diaranson 3 di februari pa 7'or di anochi na TeleAruba y riba pagina di facebook di Gabinete Wever-Croes.

Durante di e programa varios invitado local y internacional lo hiba palabra y lo elabora riba e proyecto di SISSTEM - Sustainable

Island Solutions for Science, Technology, Engineering and Mathematics y su importancia pa e economia di Aruba.

E programa aki ta e di seis programa di e Serie di programa 'Aruba Fuerte y Resiliente - Reactivando nos Economia' cu ta brinda informacion tocante e trabounan pa reactiva economia di Pais Aruba.



**Minister di Finansa,  
Asuntunan Economico y Cultura**

*Serie di Programa*  
**ARUBA FUERTE Y RESILIENTE**  
*Reactivando Nos Economia*

**Diaranson**  
**3 di februari 2021 | 7:00 PM**  
**Topiconan:**  
**Proyeccion economico 2021,**  
**Economia Informal y Control di Prijs**  
**Sintonisa**

  
**GABINETE WEVER CROES**

  
**TELEARUBA- CANAL 13**









# Minister Xiomara Maduro a reuni cu Qredits

## TIN MAS FONDO DISPONIBEL PA MICRO CREDITO NA INTERES REDUCI



Siman pasa Minister Maduro a reuni cu e CEO di Qredits Hulanda sr. Elwin Groeneveldt y sr. Oliver Vieira di Qredits Aruba. Minister Maduro a gradici Qredits pa nan yudansa pa brinda micro credito na interes reduci na mas di 100 compania chikito y mediano na Aruba pa asina nan por a enfrenta y surpasa e efectonan di e pandemia.

Sr Groeneveldt a informa cu Qredits a bolbe pone un suma disponibel pa asina por sigui brinda fianza na interes reduci pa sigui yuda e companianan chikito y mediano. Banda di esaki e ehecutivonan di Qredits a splica riba e bunita proyecto 'BeYourOwnBoss' na unda hobennan di EPI lo wordo prepara pa bira futuro 'entrepreneurs' di nos Pais.



# REGISTRA PA BO VACUNA



E pre registracion pa haya e vacuna ta cuminsa entrante 1 februari 2021 via e Aruba Health App. Download e app riba App Store (Apple), Google Playstore (Android) of via browser.

Three screenshots of the Aruba Health App Vaccine registration process. The first screenshot shows a QR code and a 'Request Vaccine' button. The second screenshot shows a QR code and a 'Request Vaccine' button. The third screenshot shows a QR code and a 'Request Vaccine' button.

- Registration – App – Call Center

## Aruba Health App Vaccine – Registration

SI BO TIN E APP CABA, UPDATE E OF DELITE E APP Y INSTALA DI NOBO.



MINISTERIO DI TURISMO,  
SALUBRIDAD PÚBLICO  
y DEPORTE



# JOIN E MOVECION Y SEA PARTI DI E *Solucion*

Ami **SI**   
*ta vacuna!* 



**NIZANA SOLOGNIER**

*Creative Thinker / Deportista*

Grupo Adulto Hoben



**VACUNA**  
PA NOS POR  
*progresar*



**DIA: DIARANSON, 3 DI FEBRUARI**

**ORA: 8:30 PM**

**WHATSAPP: 597 1213**

**FACEBOOKLIVE: TELEARUBA/GABINETEWEVERCROES**

# FORUM LIVE TELEARUBA

## BAN VACUNA PA ARUBA POR PROGRESA



**PA MANDA PREGUNTA:**

**Email: [PREGUNTA@ARUBACOVID19.ORG](mailto:PREGUNTA@ARUBACOVID19.ORG)**

**Whatsapp: 597 1213**







# Departamento di Salud Publico:


## UPDATE 2 DI FEBRUARY 2021

Segun resumen di awe 55 persona a recupera, a registra un total di 42 caso nobo di Covid-19, di cual 3 ta no residente. Cantidad total di testnan ehecuta ayera na e diferente localidadnan na Aruba, entre otro laboratorio di hospital, laboratorionan priva y aeropuerto ta 714 test. 'Positivity rate' entre nos residentenan ta 15%.

Activo tin awe 321 caso, cantidad di fayecido relaciona cu Covid-19 ta 59.

Hospital ta informa cu tin un total di 20 persona interna di cual 9 ta den Cuido Intensivo y 11 riba unidad general di covid. Edad promedio di esnan ingresa pa extra cuido ta 64 aña.

  <b>ARUBA COVID-19</b>			
2/2/2021	TOTAL	RESIDENTE	NO-RESIDENTE
<b>Casonan Nobo</b>	42	39	3
Activo	321	300	21
<b>Recupera</b>	6648	6382	266
Positivo	7028	6740	288
<b>Negativo</b>	79651	-	-
Getest	86765	-	-
<b>Getest na Airport</b>	53225	-	-
Morto	59	58	1







GOBIERNO DI ARUBA

UN  
*Feliz Dia*

ISLAONLINE  
PA INFORMACION  
CORECTO Y BERDAD

Gabinete Wever-Croes